



espazo coop
unión de cooperativas galegas

somos

Espazocoop é unha unión de cooperativas, unha entidade asociativa de carácter empresarial, multisectorial, e sen ánimo de lucro.

Integramos a cooperativas galegas de distintos tipos (traballo asociado, ensino, consumo, servizos ...), e inspírannos os principios e valores do movemento cooperativo, e da economía social e solidaria.

As cooperativas son un modelo óptimo para o desenvolvemento socioeconómico dos territorios e para realizar proxectos profesionais de toda índole.

Espazocoop fai parte do movemento cooperativo galego, somos entidade de referencia no sector cooperativo da comunidade.

Isto permítenos estar en organizacións estatais e internacionais, onde se representan ás cooperativas e potenciamos o cooperativismo. Temos vocación de influír tamén na sociedade e de contribuír ao cambio social.

Servizos ás
cooperativas
socias

Creación de
cooperativas

Difusión e
promoción do
cooperativismo

Que podemos facer por ti?

A **Unión de Cooperativas Espazocoop** está formada por cooperativas galegas.

Asociarse dá acceso a orientación e acompañamento para crecer como cooperativa, ser parte de novas redes, promocionarvos, defender os vosos intereses, e darlle máis valor e sentido aos principios que nos unen.

O noso fin é **promover o cooperativismo, consolidalo, e conectar cooperativas asociadas**. Somos un **espazo de participación, de información, de aprendizaxe e de proxección**.

Consolidación e crecemento da cooperativa

> Orientación e apoio na xestión

Temas fiscais, legais e societarios entre outros.

> Ferramentas financeiras

Contamos con instrumentos de finanzas éticas, e con convenios para cooperativas.

> Axudas ás cooperativas

Damos apoio en axudas específicas para cooperativas.

> Plans de mellora

Axudamos a desenvolver o potencial das cooperativas.

> Formación

Formación cooperativa e de mellora profesional.

> Recursos clave

Aceso a espazos da Unión onde reunirse, a manuais e guías, lexislación, información, modelos, entre outras ferramentas do sector cooperativo e da economía social e solidaria.

Intercooperación

Somos un espazo de intercooperación natural. Asociarse davos a oportunidade de coñecer outras cooperativas, conectarvos, compartir, e mesmo xerar actividade.

> Sinerxías, alianzas e colaboracións

Potenciamos que as cooperativas sociais dun mesmo sector, territorio, tipoloxía, etc., promovan alianzas, accións conxuntas...

> Ofertas e propostas entre cooperativas

Propoñer e demandar produtos e servizos a outras cooperativas.

Sectorial das cooperativas de ensino

> As cooperativas de ensino de **Espazocoop** agrúpanse na Sectorial, que representa a 27 cooperativas e dispón de servizos especializados para elas.

Representación e interlocución

> Incidencia política

Interlocución para conseguir melloras na normativa legal das cooperativas, nas políticas públicas que afectan ao sector.

> Redes e colaboracións

A Unión participa en entidades e redes, e nas institucións representativas do cooperativismo galego, estatal e internacional. Achegan beneficios e xeran oportunidades.

Ven a participar

As asociadas teñen voz e voto en **Espazocoop**, na Asemblea de socias ou noutros espazos de relación.

Somos unha organización aberta, que recolle continuamente propostas e ideas das cooperativas sociais.

Promoción cooperativa

> Web

www.espazo.coop contribúe a fomentar o cooperativismo, a difundir a nosa actividade e actualidade das socias.

> Información actualizada

Novidades da Unión e do cooperativismo. Boletíns e comunicados.

> Redes sociais

Información e fomento do cooperativismo.



Facebook (@espazocoop)



Twitter (@UnionEspazocoop)

> Feiras e congresos

Apoiamos a presenza de cooperativas sociais en eventos de promoción de produtos e servizos.

> Directorio de cooperativas sociais

Na web temos un directorio de cooperativas que podeades empregar para darvos a coñecer, buscar provedoras, etc.

> Identificarte como cooperativa de Espazocoop

Dar a coñecer a vosa pertencencia á Unión e ao movemento cooperativo ante a clientela e a sociedade, mediante material promocional.

Interésache ser cooperativa? Conta con nós para apoiarte

A cooperativa sérvenos para organizar e dar resposta a distintas necesidades (acceso a emprego, consumir ou obter servizos profesionais), en base aos principios de xestión democrática, participación, autoxestión ou axuda mutua, no marco dunha estrutura horizontal e igualitaria.

Impulsamos novas cooperativas, ofrecemos orientación, información, e acompañamento especializado. Contamos con profesionais experimentadas que coñecen o modelo, as particularidades que distinguen ás cooperativas e todos os aspectos que lle dan valor.

Ademais, contamos con ferramentas de financiamento moi acaídas para o emprendemento cooperativo.

Se xa sodes unha empresa ou entidade e queredes facer a transformación en cooperativa, tamén te apoiamos.

En Espazocoop estamos á vosa disposición para orientarvos e dar soporte ao voso proxecto cooperativo.

- 1 Orientación inicial
- 2 Plan de viabilidade
- 3 Formación
- 4 Axudas e ferramentas financeiras
- 5 Trámites de constitución da cooperativa

Queremos facer crecer a economía cooperativa, social e solidaria

A difusión e o fomento do cooperativismo tamén é a nosa razón de ser. En **Espazocoop** realizamos diversas actuacións para logralo e para achegar o cooperativismo á sociedade.

Algunhas das actuacións realízanse necesariamente en colaboración con axentes sociais públicos ou privados, entidades, organizacións, colectivos, redes, concellos, entre outros.

Podemos elaborar e implementar **plans e programas de fomento cooperativo**, e realizamos actividades de todo tipo: **charlas, cursos, talleres, visitas cooperativas, guías e manuais, estudos, xornadas, e outras máis.**

Queres que colaboremos?
Contacta con nós

redes de intercooperación



www.espazo.coop | info@espazo.coop



A Coruña

Travesía de San José 10, Ent.A.
15002 | A Coruña
+ 34 881 88 74 56

Santiago de Compostela

Hórreo 104, baixo, esquerda
15701 | Santiago de Compostela
+ 34 981 57 55 78

Vigo

Taboada Leal 15, entreplanta
36203 | Vigo
+ 34 986 86 61 49

Co apoio da



XUNTA
DE GALICIA